



2. august 2013

Inatsisartut suleriaasianni § 37, naapertorlugu matumuuna imaattumik Naalakkersuisunut apeqquteqarpugut:

Apeqqut: Ukiorpaaluit matuma siorna sinerissap qeqqarpasissuani tutunuk arlalinnik qaammataasaq iluaqutigalugu malinnaavigineqarsinnaasunik nalunaaqutsiisoqarpoq, taakkulu qanoq malinnaavigineqarneri aammalu nalunaaqutserneqarnermik kingorna sulii tamarmik atuunnersut matumuuna Naalakkersuisut qanoq paasissutissiisinnaanersut apeqqutigissavarput?

(Inatsisartuni ilaasortat, Siverth K. Heilmann, Gerhardt Petersen, ATASSUT).

Tungavilersuut:

Soorlu qulaani apeqqutip qulequttap ersersereeraa, ukiorpaaluit matuma siornagut biolog-it piniartunik suleqateqarlutik qaammataasaq iluaqutigalugu tutut nalunaaqutserneqartut ingerlaarneri ilaatigut pinngortitaleriffimmit malinnaavigineqartarsimavoq.

ATASSUT-miit ilisimavarput, ilaatigut ingasaginartumik ukiuunerani tutunniartitsisarneq piffiit ilaanni ingerlanneqartartoq, taamaattumillu assut soqutiginarfikkaluarlugu, tutut nalunaaqutserneqarsimasut tamarmik sulii malinnaavigineqarnerisut imaluunniit piniartut nalunaaqutserneqarsimasut ilaannik pisaqartoorsimasinnaanerinik pinngortitaleriffik ilisimasaqarnerisut paasissallugu?

Neriutugalugu Naalakkersuisut paasissutissiilluarumaartut aamma akissuteqarnissamut piffissarititaasup iluani akissuteqarfigineqarumaarluta.

Inussiarnersumik Inuulluaqqusilluta
ATASSUT-mi Inatsisartuni Ilaasortat.